

Na sesión celebrada na data que se indica, adoptouse o seguinte


A C O R D O:

Na cidade de Ourense, a vinte de novembro de dous mil un

Visto o expediente de clasificación do monte como veciñal en man común integrado por catro predios coa denominación de *A Pedriza; Outeiro da Praza da Veiga, A Touza e A Zainza* ; *A Veiga* dos Concellos de Xinzo de Limia e Trasmiras (Ourense), por solicitude dos veciños do lugar de Pidre en Xinzo de Limia

Resultando que con data 9 de novembro de 1998 , tivo entrada no rexistro da delegación provincial da Consellería de Medio Ambiente , en Ourense, escrito dirixido ó Xurado Provincial de Montes Veciñais en Man Común asinado polos veciños do lugar de Pidre do Concello de Xinzo de Limia (Ourense), solicitando se declare o monte *A Pedriza; Outeiro da Praza da Veiga; Touza e A Zainza; e A Veiga* como veciñal en man común.

Resultando que o Xurado provincial en sesión celebrada en data 2 de xuño de 1999, acordou tomar en consideración o citado escrito e inicia-lo expediente de clasificación do monte designando instructores do mesmo a D.Miguel Ángel González Trigás e Dona Miriam Areal López , que aceptaron tal cargo, librándose mandamento para a anotación preventiva nos Rexistros da Propiedade de Xinzo de Limia e Trasmiras , e remitíndose



comunicacións dirixidas ós veciños do lugar de Pidre, ó presidente da Deputación provincial de Ourense, ós alcaldes dos Concellos de Xinzo de Limia e Trasmiras, á Delegación provincial da Consellería de Política Territorial, Obras Públicas e Vivenda, á Xerencia Territorial do Castastro, e ó xefe do Servicio de Montes e Industrias Forestais, e á Delegación provincial da Consellería de Agricultura, Gandería e Política Agroalimentaria: Servicio de Estructuras e Desenvolvemento Rural, publicándose edictos no *Diario Oficial de Galicia* e no taboleiro de anuncios dos Concellos de Xinzo de Limia e Trasmiras, durante o prazo dun mes segundo consta en dilixencia estendida ó dorso do edicto polo secretario dos citados concellos, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou nos Rexistros da Propiedade de Xinzo de Limia e Trasmiras, como seguen respectivamente::

Anotación preventiva letra A, dos montes denominados A Pedriza, rexistral 26.627, ó folio 48, do Tomo 711, Libro 177 de Xinzo; Outeiro da Praza da Veiga, rexistral 26.628, ó folio 49 do mesmo tomo e libro; Touza e A Zaínza, rexistral 26.629, ó folio 50, do tomo indicado; e A Veiga, rexistral 9.165, ó folio 164 do tomo 701, Libro 71 de Trasmiras.



Resultando que na tramitación do expediente cumpríronse tódalas formalidades legais.

Considerando que o Xurado provincial de Clasificación de Montes Veciñais en Man Común, ten xurisdicción e competencia para cofecer los expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de Montes Veciñais en Man Común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalienable, imprescritible e inembargable;
e
- 5) Que a comunidade é indivisible, non podendo os comuneiros pedi-la "actio communi dividundo".



Considerando que segundo informacóns e testemuños resulta que os montes citados son aproveitados e posuídos en réxime de comunidade xermánica polos veciños do lugar de Pidre , no Concello de Xinzo de Limia

Os datos do citado monte son os que se referencian na parte dispositiva deste acordo.

Considerando que das informacóns recollidas resulta que os veciños do lugar de de Pidre, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do Xurado, por instancia dos veciños de Pidre, para que este Xurado poidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro , así como o establecido na Lei de réxime xurídico das administracións públicas e do procedemento administrativo común, do 26 de novembro de 1992 .

Visto o decreto 482/1997, do 26 de decembro, polo que se establece a estrutura orgánica da Consellería de Medio Ambiente.



O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

A C O R D A:

Primeiro. - Clasifica- lo monte integrado por catro predios individuais coa denominación da Pedriza; Outeiro da Praza da Veiga; A Touza e A Zainza; e A Veiga , de 70 ha, aproximadamente en conxunto, de superficie , nos Concellos de Xinzo de Limia e Trasmiras (Ourense), a favor dos veciños do lugar de Pidre en Xinzo de Limia , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Xinzo de Limia e Trasmiras (Ourense)

Denominación do monte integrado por catro leiras individuais: A Pedriza; Outeiro da Praza da Veiga; A Touza e A Zainza; e A Veiga

Comunidade propietaria: veciños de Pidre (Xinzo de Limia)

Superficie: 70 Has., aproximadamente en conxunto.

- Monte: "A Pedriza" sito no concello de Xinzo de Limia

Superficie: 21 Has., aproximadamente

Estremas:

Norte: d. Víctor Casas Pérez, d. Manuel López López e d^a Aurelia Blanco Vila.

Sur: Comunal de Solbeira.

Leste: núcleo urbano do pobo de Pidre.



Oeste: d. Víctor Casas Pérez, d^a Sara Fariñas Casas, d. Manuel Gómez Blanco, d. José Dobaño Rodríguez.

- Monte: "Outeiro da Praza da Veiga" sito no Concello de Xinzo de Limia

Superficie: 10 Has., aproximadamente

Estremas:

Norte: d. Manuel Martínez Fariñas

Sur: Camiño dos Muíños

Leste: d. Manuel Gómez Blanco.

Oeste: d. Víctor Casas Pérez, d. Manuel López López

- Monte: "Touza e A Zainza": sito no Concello de Xinzo de Limia

Superficie: 20 Has., aproximadamente

Estremas:

Norte: d. José Ferreiro Ojandro, d. Martín López Casas, d^a Carmen López Casas, d. Manuel Gómez Blanco, d. Manuel Ramos Díaz.

Sur: d. Manuel López López, d. Manuel Martínez Dacuña, d^a Corona García Rodríguez, d. Luis Martínez Fariñas, d^a M^a José Nieto Vences, d. José Casas Castilla e pista a Alboredo.

Leste: pista A Veiga, camiño de Praza da Veiga

Oeste: d. Víctor Casas Pérez, pista A Veiga, pista Paredes, d. Manuel Menéndez Martínez, d. Domingos Rodríguez Ribero.

- Monte: "A Veiga" sito no Concello de Trasmiras

Superficie: 19 Has., aproximadamente.

Estremas:

Norte: Río Limia e d. Manuel López López.

Sur: pista de Abavides


Leste: d. Emilio López Fariñas

Oeste: pista de Abadives.



Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ós alcaldes-presidentes dos Concellos de Xinzo de Limia e Trasmiras, ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin a vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)



The map displays the Territorio Comunal de Montes Vecinales en Man Común de Ourense, Galicia, Spain. The communal territory is highlighted in red, with specific areas labeled: 'A Páizra', 'Outeiro do Páizra', 'Outeiro da Páizra da Veiga', and 'A Veiga'. The map includes numerous place names, topographic features, and a grid system. A circular stamp in the lower right corner reads 'XURADO PROVINCIAL DE MONTES VECINAIS EN MAN COMÚN OURENSE'.

